

**11 Staðfesting konungs** á skipulagsskrá fyrir Minningarsjóð Hannesar 22. febr. Guðmundssonar frá Skógarkoti, útgefin á venjulegan hátt ad mandatum af dóms- og kirkjumálaráðherra Íslands 22. febrúar 1918.

Skipulagsskráin er þannig:

## Skipulagsskrá

fyrir Minningarsjóð Hannesar Guðmundssonar frá Skógarkoti.

### 1. gr.

Sjóður þessi var við skipti í dánarbúi hins látna 4. desember 1914 alls kr. 3079, 97 í skuldabryfum og peningum, og er hann stofnaður með dánargjöf Hannesar heitins Guðmundssonar bónda frá Skógarkoti í Þingvallasveit, sem andaðist í Víðinesi í Kjalarneshreppi 10. ágústmánaðar 1913, og skal sjóðnum, eftir ráðstöfun gefandans í arfleðsluskrá hans 29. júlí 1913, varið til uppfræðslu barna og unglinga í Kjalarneshreppi á aldrinum 10—18 ára.

### 2. gr.

Sjóðurinn skal vera undir umsjón 3 manna: sýslumannsins í Kjósarsýslu prestsins í Lágafellssókn og hreppstjórans í Kjalarneshreppi, er og eftir arfleðsluskránni semja skipulagsskrá fyrir hann.

### 3. gr.

Höfuðstól sjóðsins má aldrei skerða. Ávaxtist hann í Söfnunarsjóði Íslands. Árlegir vextir leggist við höfuðstólinn uns hann er orðin 5 þúsund krónur, en úr því og þar til sjóðurinn er orðinn 10 þúsund krónur leggist helmingur vaxtanna við höfuðstólinn, og þar á eftir  $\frac{1}{4}$  hluti vaxtanna.

### 4. gr.

Vöxtum þeim, sem úthlutað verður samkvæmt framansögðu, skal varið þannig:  $\frac{1}{8}$  hluti þeirra gangi til aukalegrar uppfræðslu 1—3ja barna, 10—14 ára, þó einkum 12—14 ára eftir nánari ákvörðun stjórnarnefndar sjóðsins í hver sinn; en  $\frac{2}{8}$  hl. vaxtanna skal varið til þess að styrkja til bóklegs og verklegs náms í hreppnum eða utan hans, eitt ár í senn, vel hæfa námfúsa og siðsama unglinga 14—18 ára, er heima eiga í hreppnum, einnig eftir nánari ákvörðun sjóðsstjórnarinnar.

### 5. gr.

Auglýst skal í hreppnum árlega þegar vöxtum eftir framansögðu verður úthlutað, eigi síðar en 1. júlí, hve mikið af þeim komi til úthlutunar í hvert sinn, og sjeu umsóknir um styrk úr sjóðnum komnar til hreppstjóra Kjalarneshrepps fyrir 1. september ár hvert, en stjórnarnefnd sjóðsins tekur ákvörðun um úthlutun hans fyrir 1. október.

## 6. gr.

Reikningshald sjóðsins hefir sýslumaður Kjósarsýslu á hendi, og yfirskoða meðstjórnendur sjóðsins reikninginn árlega. Hann sje saminn fyrir 1. febrúar ár hvert, og síðan birtur í B-deild Stjórnartíðindanna.

11

22. febr.

## 7. gr.

Skipulagsskrá þessi öðlist konunglega staðfestingu.

## Reglugjörð

### fyrir útbú Landsbankans á Selfossi.

12

9. mars

## 1. gr.

Samkvæmt lögum um stofnun Landsbanka 18. sept. 1885, 9. gr. er sett á stofn útbú frá Landsbankanum í Árnessýslu á Selfossi.

## 2. gr.

Stjórn og framkvæmd á störfum útbúsins hafa á hendi 2 menn, sem stjórn Landsbankans skipar, með 6 mánaða uppsagnarfresti, og eru þeir bókarí og fjehirðir útbúsins. Hún ákveður hvor þeirra skuli jafnframt vera framkvæmdarstjóri. Undirskrift þeirra beggja þarf til þess að skuldbinda útbúið. Hún skipar og, með 6 mánaða uppsagnarfresti, eftirlitsmann, er skal hafa nákvæmt eftirlit með öllum störfum, bóku og reikningsfærslu útbúsins; stjórn þess skal hafa hann í ráðum með sjer, þegar um vandasöm mál eða stórar lánveitingar er að ræða. Honum ber að sannreyna, að minsta kosti einu sinni á hverjum ársfjórðungi, að sjóður útbúsins og öll verðskjöl þess sjeu fyrir hendi.

## 3. gr.

Stjórn Landsbankans er yfirstjórn útbúsins og gefur hún starfsmönnum þess nákvæmar starfsreglur, sem þeim skal skylt að fara eftir í öllum greinum. Skal stjórn útbúsins láta stjórn Landsbankans í tje, eða manni, sem hún kann að setja fyrir sína hönd, allar þær skýrslur og upplýsingar, rekstri útbúsins viðkomandi, er heimtaðar verða.

## 4. gr.

Allan kostnað við rekstur útbúsins greiðir Landsbankinn og tekur tekjur þær, er útbúið fær.

## 5. gr.

Stjórn útbúsins ákveður, með samþykki stjórnar Landsbankans, vinnutíma þess, og skal annast um, að almenningi verði birt, hvenær það er opið til afgreiðslu; skulu þá bókarí og fjehirðir jafnan vera báðir viðstaðdir,